

03 幸福的滋味！

劉美玉

人咧講：「無冬節都咧拏圓矣，無講是冬節。」

阮爸母一向攞足勢變(pinn)東變西，不管時攞會想一寡步數變食。個的絕招實在有夠濟，無論縛粽、拏圓仔、炊粿、做草仔粿抑是種菜逐項會！三不五時仔做予囡孫仔食、有當時仔送親情朋友、有時陣寄人賣、有時仔嘛會囡仔家己的門口賣。庄仔內知影的人，逐家攞真拏場(phâng-tiûnn)，相招來交關，袂輸若毋較緊咧，會予人搶頭香去，定定看個笑甲喙仔裂 sai-sai，兩個老翁仔某不時嘛變甲真歡喜！

所以，自細漢看到大漢，過年過節個攞真無閒。啊毋過慢慢仔年歲愈來愈濟，囡孫仔嘛大漢矣！逐家攞講：「天氣燒熱，食無遐濟，買幾粒仔拜拜就好！閣再講阿爸身體欠安、逐家閣攞愛上班，無跤手通鬥相共，食著真歹勢呢。」

後來，五日節一到，阿母仝款趁阮逐家無閒去上班的時，偷偷仔攞(tshuân)物件，照常縛一拏(kuānn)閣一拏的肉粽，吩咐阮兄弟姊妹緊拏轉去予逐家食。阮那食肉粽，心肝頭那感覺燒烙燒烙(sio-lō)，彼種幸福的滋味，就親像電視廣告的話仝款，「足感心的！」阿母！你哪會攞袂忝(thiám)！其實阮知影啦！因為你真心疼痛(thiànn- thàng)

阮每一个囡孫，毋過阮嘛仝款毋甘你傷忝呢！

想起往年(íng-nî)，阿爸的身體猶閣勇健的時陣，無論冬節抑是過年，伊佻阮阿母攞佇灶趺出出入入、無閒頤頤(tshih-tshih)，一个杯(put)米去浸、一个就攞石磨仔通挨粿；無論是籠床(lâng-sîg)、抑是箬(kám)壺仔，攞鑪(lù)甲金爍爍(sih)；粿巾洗甲清氣 tam-tam，穀仔(khok-á)大大細細攞甲真齊全。粿袋仔一擺攞攞幾若跤，驚毋拄好若破空，彼就食力囉！

粿漿挨好了後，阿爸就共規袋粿袋仔摺(mooh)起去椅條頂，用一枝扁擔砑佇面頂，閣用索仔縛幾若輓(liàn)，三不五時就去反舛(píng-pîng)，伊講愛砑予焦，才會做得！焦水了後，倒佇咧箬壺仔內，先用雙手掌予散，阿母隨攞一塊粿糲(tshè)落去焯(sáh)，才起來摻落去攞(nuá)予齊勻(tsiâu-ûn)，厝內大細逐家圍佇咧箬壺仔邊拏圓仔，那講那笑，彼種幸福的滋味，到甲今仔日猶不時出現躑我的腦海中。

桃園市東安國中107學年度第二學期
本土語言競賽 閩南語朗讀 文章

相關 音檔 可於東安網>最新公告下載